

**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**  
**ԵՐԵՎԱՆ ՔԱՂԱՔԻ ԱՎԱԳԱՆԻ**

«-----» ----- 2025թ.

N --- Ա

**ՈՐՈՇՈՒՄ**

**ԱՐՄԵՆՈՒՀԻ ՀՈՎՍԵՓՅԱՆԻ ՀԵՂԻՆԱԿԱԾ «ԿԱՏԱՐՍԻՍ» ՔԱՆԴԱԿԻ  
ՏԵՂԱԴՐՄԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ**

Ղեկավարվելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» հ. 551 որոշմամբ հաստատված կարգի 2-րդ կետով,

**Երևան քաղաքի ավագանին որոշում է.**

1. Տալ համաձայնություն քանդակագործ Արմենուհի Հովսեփյանի հեղինակած «Կատարսիս» քանդակը Երևան քաղաքի Կարապի լճի հարակից տարածքում տեղադրելու համար՝ համաձայն հավելվածի:

**ԵՐԵՎԱՆԻ ՔԱՂԱՔԱՊԵՏ՝**

**ՏԻԳՐԱՆ ԱՎԻՆՅԱՆ**

Հավելված  
Երևան քաղաքի ավագանու  
2025 թվականի մարտի 18-ի  
N --- Ա որոշման

Կարապի լճի հարևանությամբ, Թումանյան փողոցի կողմից



## **ՏԵՂԵԿԱՆՔ-ՀԻՄՆԱՎՈՐՈՒՄ**

### **«ԱՐՄԵՆՈՒՀԻ ՀՈՎՍԵՓՅԱՆԻ ՀԵՂԻՆԱԿԱԾ «ԿԱՏԱՐՍԻՍ» ԱՐՁԱՆԻ ՏԵՂԱԴՐՄԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ**

Երևանի քաղաքապետարանի կողմից 2023թ. իրականացված «Երևանը կանանց համար» ծրագրի շրջանակում քանդակագործություն անվանակարգում հաղթող է ճանաչվել Արմենուի Հովսեփյանը՝ «Կատարսիս» քանդակով: Իրականացված նախագիծը նպատակ ուներ խրախուսելու կին արվեստագետների ստեղծարարական ծրագրերը՝ վերջիններին մշակութային կյանքում ինքնադրսևորման հնարավորություն տալով: Հատկանշական է, որ Երևան քաղաքում հատուկենտ քանդակներ են առկա, որոնք իրականացվել են կանանց կողմից: Հետևապես, «Կատարսիս» քանդակի տեղադրումը միտված է քաղաքի մշակութային կյանքի աշխուժացման գործում տաղանդավոր կին արվեստագետների դերի ընդլայնմանը և իրենց ստեղծագործությունների հանրահռչակմանը:

Արմենուի Հովսեփյանը ծնվել է 1979 թ. փետրվարի 12-ին Երևանում: Ավարտել է Փանոս Թերլեմեզյանի անվան գեղարվեստի ուսումնարանը (2017 թ.), այնուհետև 2018-21 թթ. ուսանել է Հայաստանի պետական մանկավարժական համալսարանի գեղարվեստի ֆակուլտետում, իսկ 2021-2023 թթ. Երևանի գեղարվեստի պետական ակադեմիայում՝ ստանալով մագիստրոսի աստիճան: Կարևորելով տաղանդավոր արվեստագետի արժանվույն գնահատման, ստեղծագործական ժառանգության արժևորման և հանրահռչակման անհրաժեշտությունը՝ առաջարկվում է ընդունել սույն որոշման նախագիծը:

**ԵՐԵՎԱՆԻ ՔԱՂԱՔԱՊԵՏ՝**

**ՏԻԳՐԱՆ ԱՎԻՆՅԱՆ**